



SURUHANJAYA INTEGRITI AGENSI PENGUATKUASAAN
ARAS 5, BLOK MENARA, BANGUNAN MENARA USAHAWAN
NO. 18 PERSIARAN PERDANA, PRESINT 2
62652 PUTRAJAYA, MALAYSIA
Tel: 03 8880 5650 / No. Faks: 03 8880 5646

LAMAN WEB: www.eaic.gov.my



PENGARANG, MEJA BERITA

SIARAN MEDIA

LAWATAN SURUHANJAYA INTEGRITI AGENSI PENGUATKUASAAN (EAIC) KE SEKATAN JALAN RAYA (SJR)

PUTRAJAYA, 23 Mac 2021 - Suruhanjaya Integriti Agensi Penguatkuasaan (EAIC) hari ini telah mengadakan lawatan rasmi ke Sekatan Jalan Raya (SJR) Polis Diraja Malaysia (PDRM) di Subang Jaya dan Putrajaya bagi mendengar taklimat berkaitan dengan prosedur yang digunakan di SJR serta menyantuni petugas barisan hadapan.

Program turun padang ini pertama kali diadakan oleh EAIC dan diketuai oleh YBhg. Tan Sri Mahmood Adam, Pesuruhjaya EAIC bersama-sama wakil pengurusan kanan EAIC.

YBhg. Tan Sri Mahmood Adam turut menyampaikan kata-kata semangat kepada para petugas di SJR agar sentiasa melaksanakan tugas dengan penuh integriti. Menurut beliau lawatan menyantuni petugas barisan hadapan seperti ini akan sentiasa dijalankan dari semasa ke semasa oleh pihak EAIC dengan kerjasama PDRM bagi mengukuhkan jalinan kerjasama antara EAIC dan PDRM.

Selain daripada itu lawatan ini juga bertujuan untuk mengenal pasti cabaran dan kekangan yang dihadapi oleh anggota PDRM di lapangan selaku petugas barisan hadapan terutama semasa mengendalikan operasi SJR. Menurut beliau pihak EAIC akan mengkaji syor penambahbaikan yang sewajarnya berkaitan isu yang dikenal pasti di SJR seliaan PDRM selaras dengan fungsi EAIC di bawah Akta Suruhanjaya Integriti Agensi Penguatkuasaan 2009 [*Akta 700*].

Dikeluarkan oleh:

Bahagian Komunikasi Korporat

Suruhanjaya Integriti Agensi Penguatkuasaan (EAIC)